



Hans Enoksen
Inatsisartunut ilaasortaq, Naleraq

Oqaatsit pillugit § 37 naapertorlugu apeqqummut akissuteqaat

Asasara Hans Enoksen

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfingissavakka.

Apeqqut 1: Inuaat kalaallit Kalaallisut oqaatsigut pisortatigoortut kisiisa atorlugit, oqaatsinut allanut nutserneqartinnagit Naalakkersuisunut allakkatigut apeqquteqarsinnaatitaappat?

Akissut:

Naalakkersuisunut attaveqarnermi Kalaallisut oqaatsit tamakkiisumik atorneqarsinnaapput, tamatumunnga ilanngullugu allakkatigut apeqquteqaaateqarnermi. Naalakkersuisut saaffiginnissuteqarnermi oqaatsit atorneqartut atorlugit sularisarpaat.

Apeqqut 2: Inatsisartut Kalaallit inuaat sinniisorigaat, Naalakkersuisut isumaqatigaat.

Akissut:

Inatsisartut kalaallinut inuiannut sinniisuunerannut Naalakkersuisut isumaqataapput.

Apeqqut 3: Kalaallit Nunaanni pisortatigut oqaatsit atorneqartut kisiisa atorlugit Inatsisartunut ilaasortat Naalakkersuisunut taakkualu Naalakkersuisoqarfiinut apeqquteqarsinnaappat? Uani ujartorneqartoq tassatuaavoq allakkatigut saaffiginnittoqartillugu Naalakkersuisut Naalakkersuisoqarfiillu suleriaasiat.

Akissut:

Inatsisartut Naalakkersuisullu pillugit Inatsisartut inatsisaat nr. 26, 18. novembari 2010-meersuni § 12 aammalu Inatsisartut suleriaasianni § 37 naapertorlugin Inatsisartut apeqquteqarsinnaatitaapput.

§ 37 naapertorlugu apeqqutinik taaneqartartuni suleriaatsit ilusissatullu piumasaqaatit Inatsisartunit aalajangersarneqarput.

Apeqqut 4: Qinikkat kalaallit oqaasii kisiisa atorlugit apeqquteqarsinnaanerat pillugu pisortatigoortunik inatsiseqarpa?

Akissut:

Naamik, qinikkat kalaallit oqaasii kisiisa atorlugit apeqquteqarsinnaanerat pillugu inatsiseqangnilaq, takuuq akissut 3.

28-05-2025

Suliap normua: 2025 - 9824

All. nr. 25375723

Postboks 1029


3900 Nuuk

Oqarasuaat: +299 34 50 00

Email: iktin@nanoq.gl

www.nanoq.gl

Inussiarnersumik Inuulluaqqusillunga



Nivi Olsen